



# Mbouj Lumz Simnduj, Laebdaeb Baenaj!

## 不忘初心，继续前进!

□ Huz Sizcungh sij Vangz Genh hoiz

Diuz roen raeuz, daj giz mbouj miz roen yamq okdaej, gwnzbiengz yienzbong mbouj miz roen, gyoengqvunz byaij ndaej lai le, couh baenz roen lo.

Diuz roen raeuz, daj Gyahhingh Nanzhuz haidin, hix gaeng youq gyanhwnz Nanzcangh, dwk mbat cungq daih'it coh fanjdungbai, gij duivuj gijyi gungcanjdangj lingjdauj byaij ok le, byaij ok le, gij mok laepngaungau naekgywggywg Cungguk.

Diuz roen raeuz, gaxgonq dwg duenh cungq-gyang Byalozsiuh, Mauz Cwzdungh, yamq ok diuz roenrum haj aen baksauq, gaxgonq dwg diuz roensaejgaeq cungjshling caeuq gyoengq boux-bing caez rap haeux byaij gvaq.

Couh yienghneix byaij ha byaij, byaij ok le benq dieg gig gvangq, benq dieg gig gvangq

saekhoengz Suhveizaih!

Lwgfeiz, ndaej coemh doengh bo, roen iq, yaek baenz roen hung!

Gwnz roen miz gij rumz gij fwj liuh mbouj daengz, fanjdungbai humxhoenx gyaepgaj, byajbag byajyap, fwjlaep cw mbwn, vihliux bauj miz cehfeiz, gij gwzming Cungguk yaek gaijbienq fueng-yiengq, byaij hwnj le diuz roen gumzgamx ngut-ngeuj neix.

Song fanh haj cien leix, song fanh haj cien leix raezrangrang, moix 300 mij couh miz bouxbing ndeu laemx roengzbae, bouxbing laemx roengzbae haenx couh bienqbaenz le aen lohbiu ndeu, gwnz lohbiu sij miz: Mbouj doiqlaeng! Mbouj fugsaw!

.....

Najdoiq gij fwnrumz boekbienq seiqgyaiq, byaij diuz roen huzbingz fazcanj duh raeuz.

Raeuz fwngz doxyien, raeuz mbaq doxnem, raeuz simlangh fanh ciengh sang, raeuz cei qheiq rim aen'aek!

Raeuz dwg boux daihlaeng hungzginh, raeuz geiq maenh gij vahdaengq banlaux,

Rap naek cien gaen—Gou daeuj dawz hwnj! Diendeih gvangqlangh—Gou daeuj guhcawj!

Gij cingsaenz cangzcwngh, louz mingz fanh daih!

Mbouj lumz simnduj, laebdaeb baenaj!

Raeuz miz aen muzbyauh cei q ronghlwenq ha!

Raeuz miz gij roen baihnaj cei q hungmbwk!

Raeuz miz gij roen baihnaj cei q hungmbwk!

## Gaijbienq Yiengh Doeklaeng

### 改变落后旧面貌

□ Se Ginhlungz / 谢金龙

Cungguk Gungcanjdangj,  
Couh dangq aen daengngoenz,  
Ciuq lueglueg ndoengndoeng,  
Raen najroen yienhsag.

Cungguk Gungcanjdangj,  
Coenzcoenz gangj cingqdeg,  
Cungj mbouj lau dwgrengz,  
Ceng leih'ik beksingq.

Cungguk Gungcanjdangj,  
Coenzcoenz gangj cingqcaen,  
Lwgminz haengj bae gaen,  
Guh baenz yiengh dem yiengh.

Cungguk Gungcanjdangj,

Sinyangj Maj-Lez-Mauz,  
Gijmaz cungj mbouj lau,  
Fwngzhau guh hwnjdaej.

Cungguk Gungcanjdangj,  
Ndaej gaijfang biengz raeuz,  
Biek "yangzhoj" "yangzyouz",  
Daz raeuz gag cauxguh.

Cungguk Gungcanjdangj,  
Guh hailangh gaijgwz,  
Haifat swhyenz lw,  
Diegfwz ok caizbauj.

Cungguk Gungcanjdangj,  
Yamqyamq byai mbouj dingz,

Seizdoeng daengz seizcin,  
Hamj din seizdaih moq.

Cungguk Gungcanjdangj,  
Guh cingqhangq banggunz,  
Beksingq caez vuenyungz,  
Ndaej vut gungz baenzfouq.

Cungguk Gungcanjdangj,  
Cibseiq ik boux vunz,  
Doxgiet baenz rengz hung,  
Ndaej dingj rumz dingj langh.

Cungguk Gungcanjdangj,  
Gangj daengz couh guh daengz,  
Gaijbienq yiengh doeklaeng,  
Guek raeuz baenz guek ak.

## Daengngoenz Baih-doeng Hoengzfwdfwd

### 日出东方红彤彤

□ Veiz Baujlanz / 韦保兰

Daengngoenz ok, goenghoh dangj,  
Daengx guek dauqcauq angqyangzyangz,  
Lizsij aendangj au hagsib,  
Riengzgaen gungcanjdangj yamq byaij,  
Dingh loh sienq, dingh fuengcim,  
Gaijgwz hailangh yienh nditdongq,  
Minz fouqmiz, guek fouqgiengz,  
Fuzbinz cwngcwz doh gwnzbiengz,  
Hwng lajmbanj, ci hauh yiengj,  
Caezsim roengzrengz guh loqsiengj,  
Gungcanjdangj, caen yinghmingz,  
Daiqlingx daengx guek bongh baenaj.  
Cungguk moq, cau hongsag,  
Daengngoenz baihdoeng hoengzfwdfwd.

Diuzdin mbouj dingqgangj byaij coh bakdou ranz Cinz Dayenz, aen ranz hung haenx miz sam hongq laeg, lij miz laeuzcim, aen laeuzcim dwg daengx mbanj dog he, rog doulauz ndaem miz sei q go faexnganx youh sang youh hung, mwncumcum ndaej raemh benq dieg hung bae, laj gofaex youh liengzsangj youh gig seuqcengh.

Dingqgangj sei q go faexnganx haenx gvendaengz gij minghsoq ranz Cinz Dayenz. Miz bi ndeu daengneih Cinz Dayenz baenz binghnaek, vunz-mbanj couh fatyienh sei q go faexnganx hung ndawde miz go he reuq lo. Cinz Dayenz vuengmuengz hawj go faexnganx haenx dwk bwnh rwed raemx, menhmenh go faexnganx haenx youh hoenghhwd hwnjdaej lo, doeklaeng gij bingh daengneih de hix ndei lo.

Lungz Byauh gwnz mbaq gwed faggvak daeuj daengz laj faexnganx hung, ngeix hwnj gij riuznaeuz doenghbaez ndaejnyi haenx, nyaenx

• Sawcuenhvaez Lwngvvez •

## Gij Golwngnyez Henz Dahhoengz

### 红水谣

□ Lanz Haijyangz Moz Beibei / 蓝海洋 莫蓓蓓

mbouj ndaej lai yawj le sei q go faexnganx haenx geij baez. Raq rumz ndeu ci gvaqdaej, gij mbawfaex gwnz dingj gyaiej doxbungq doxgaen ndaej yiengjsasa. Gij ganjfaex baenz-neix hung! Gij mbawfaex baenzneix moengj! Ndw youq lajde, lumj ndwn youq lajroq nei liengzsangj, sei q go faexnganx neix caen miz di lumj sei q daeglwg Cinz Dayenz, bouxboux sangset.....

Miz boux vunz ndeu daj ndaw dou byaij okdaej. Lungz Byauh yaek

ndoj gaeng mbouj gib lo, boux vunz haenx cingq dwg daengneih Cinz Dayenz Ah Duj.

"Ah Duj!" Lungz Byauh cijndei nyengh gyaiej bae dongx.

"Ai! Lungz Byauh! Dingqnyi mwngz dwg ngoenzlwenz dauqma hane?" Ah Duj doq yiedcingz cam doq byaij coh de, bongxbongx mbaq de, ndang gwnz ndang laj cim de, gwnz naj riunyumnyum, ndaej yawjraen Lungz Byauh de gig sim'angq.

"Deng a, haemhlwenz daeng-

ngoenz roengz bya seiz cij ma daengz ranz."

"Haeujdaej naengh yaep he?" Ah Duj rag de haeuj dou bae, "song bi neix mwngz dauqdaej haeuj gyawz bae lo? Dingq meh mwngz gangj mwngz bae Yanghgangj lo?"

"Dwg ha, bae Yanghgangj lo."

Lungz Byauh deng rag haeuj ndaw dou bae lo, aen sim diuq-dwddwd, faggvak gwnz mbaq bienq ndaej naekgywggywg.

(caengz sat)

